



ROLANDI A VALLE


EQUITIS, ET PRIMARII

SENATORIS MONTISFERRATI

PATRITII CASALENSIS,

QVAESTIONES CXI. PERVTILES,
quotidianæq; super Statuto de lucro Dotis:

AD COMMVNEM OMNIUM
utilitatem editæ, & copiosissimo Indice instructæ.



VENETIIS,
APVD Franciscum Bindonum.

1562

Coll. Soc. Y. S. V. E. M. ex dono Regum.

ILLVS.^{MO} AC EXCELL.^{MO}
PRINCIPI GVIELMO

GONZAGAE,

DVCI MANTVAE, ET

Marchioni Montisferrati,

ROLANDVS AVALLE

Marchionalis eius Senator.



NOVIS iam ferè agitur, Dux Illustrissime, quòd non modico cum labore ac vigilis Quæstiones has de lucro dotis instruxi, quibus dum in venerando Casalensi tuo consilio & ipse sederem, me accinxeram. Cuius facti cum (sicut omnium quæ agimus) probabilis aliqua ratio hominibus à me esset reddenda, ne sine delectu ac consilio oleum & operam effudisse viderer, Ità libri portiuunculam arctioribus quibusdam ac eiusdem martis amicis prælegendam exposui, certior ab his futurus, tantum'ne commoditatis vel utilitatis in successivis hisce lucubrationibus esse indicarent, ut lucem aliquando perferre tutè possent, qui quidem maxima ac nimia ferè cum efflagitatione publica utilitati (vt ipsi asserabant) quamplurimis additis persuasionibus ad eò me commoverunt, ut contra salutare illud carmen, nonnumquam promanant in annum, opus ipsum nullo pumice (vt dicitur) adhuc expoliturum, typis tradere sim coactus. Quod permagni non facerem, cum amicorum meorum voluntati, cui non obtemperare religio esset, consultum prospiciam, nisi in ea prolapsi essemus tempora, quibus permulti ingenio plusquam intemperanti quorumcumq; scripta unico naso ita venolunt, vt nihil tam solidum sit, quod eorum nefarios morsus evitare possit. Verum, Dux amplissime, cum in omni officio tribuendo inter cætera duo hac primum sint consideranda, vt ei munera largiamur, cui & plurimum debere, & illo quàm dignissimum esse cognoscimus, tuq; solus, cuius auctoritas tam latè negatur, ut quibuscumque scriptoribus facile patrocinari possit, cum de opere (quale id cumq; esset) ut moris est, dedicanda cogitarem, statim occurreris, qui iure proprio tibi id

† 2 x vendicaveris

ROLANDI A VALLE
 IVRISCONS. CASALENSIS
 QUÆSTIONES
 DE LUCRO DOTIS.

SUMMARIUM.

- 1 **V**s vnum civile potest tollere aliud.
- 2 Statuta disponentia super successione filiorum
 vel filiarum valent.
- 3 Legitima debita matri in bonis filij, cum sit de
 Iure positivo, potest secundum magis receptã
 sententiam, per statutum tolli.
- 4 Solemnitates in testando introducta de iure ci-
 vili possunt per statutum derogari, & abrogari, augeri vel minui.
- 5 Statutum disponens quòd testamentum coram tribus vel quattuor
 testibus fieri possit, secundum cõmunem doctorum sententiã, valet.
- 6 Dos soluto matrimonio per mortem uxoris reverti debet ad patrem
 dotantem vel ad hæredes ipsius uxoris.
- 7 Argumentum de pacto ad statutum affirmatiuè valet.
- 8 Pacto potest fieri, statutoq; similiter disponi, quòd in contractu re-
 quiratur scriptura.
- 9 Pactum initum inter virum & uxorem de dote lucranda si uxor
 præmoriatur sine liberis, valet.
- 10 Pactum & lex statutaria quoad lucra dotalia æquiparantur.
- 11 Statutum de dote lucranda per mortem uxoris sine liberis valet.
- 12 Quod ampliatur procedere etiam si esset in præiudicium filiorum
 primi matrimonij.
- 13 Consuetudo de dote lucranda soluto matrimonio sicut valet: for-
 rius ualere debet statutum, cum expressum habeat consensum, &
 consuetudo tacitum.

Quæstio Prima.

AN Statutum disponens, quòd vxore præmoriante sine
 liberis maritus lucretur dotem, valeat. Et dicas quòd sic.

- 1 Nam vnum ius civile potest tollere aliud. S. fin. Insti. de iur.
 natu. gent. & ciui. & per Bald. in l. lege duodecim tabularum,